

24554 政府軍均占優勢。十二日晨。海軍艦隊復向礮台開礮轟擊。至下午。紅十字會出為調處。該會西醫士柯師。親至寶山城。向

革軍司令鈕永建勸降。鈕亦以生靈為重。開出條件。交由柯醫士向劉總長李司令妥商辦法。本日午前。海軍艦隊遂開近台岸。將各礮台先後接收。鈕永建率其部兵退紮嘉定。礮台司令居正。先於十二日棄台他往。

同 十四日

●任命劉冠雄兼為南洋巡閱使雷震春為南洋巡閱副使李準為廣東宣慰使薩鎮冰督辦淞滬水陸警察事宜
●任命鄭汝成兼督理上海製造局……原任督理陳榘。來京另候任用。

外國大事記

民國 七月一日

●巴爾幹第二次戰爭開始……巴爾幹形勢。忽戰忽和。瞬息千變。從前非正式之攻戰。已有數次。近日保加利亞。突將鐵道占領。互國境全線。攻擊塞爾維亞希臘兩軍。三國遂正式開戰。但尚無宣戰之布告。在薩羅尼加之保軍。為希臘軍降伏。希臘王現向薩羅尼加出發。俄皇猶力謀招致保塞兩國首相於聖彼得堡。冀可斡旋。

●和蘭內閣解散……和蘭現內閣解散。和蘭女王。召見社會黨

同 十八日

●政府軍克復南昌……湖口獨立時。護軍使歐陽武。初以軍隊不用命為辭。堅請解職。並聲稱擁護中央。繼則通電各省。宣布討袁。並由省會舉為江西都督。湖口戰事解決後。政府軍即分四路進取。一陸軍會同兵艦。進攻南昌。一由黃梅。一由沙河。合攻德安。一由姑塘攻南康。自八月一日起。建昌德安吳城瑞安南康。次第克復。李烈鈞節節退守。旋聞歐陽武於九日逃往吉安。遂回南昌。佈置一切後。仍開赴前敵。本日政府軍集南昌城外。開戰數刻。即整隊入城。李烈鈞率兵數百名。向上游逃避。

員託賽斯得拉氏。命組織新內閣。

●德國議會決議陸軍擴張案……德意志帝國議會。在第三讀會。通過陸軍擴張案。其擴張經費案。各黨派所爭執諸點。與政府協議後。亦通過於議會。

●德國君主納稅案否決……德國課稅法案。聯邦君主。應負納稅義務。經議會多數否決。遂將此項刪除。

●德艦進水……德國裝甲巡洋艦迪爾芬高。在漢堡造船所造成。本定六月十四日進水。後因事延期。至本日始行進水禮。

同 二日

●南非洲礦工同盟罷業……南非洲礦工。集合大團體。同盟罷業。蘭德地方各礦山。次第停工。

●希保塞通告列國……希臘送覺書於列國。聲稱保加利亞謀奪取爭執未定之地域。進兵攻擊。希臘不能容忍。故率軍前進。令其撤退。保加利亞及塞爾維亞。亦各以己國之意見。通告列國。

●門羅亦將加入戰爭……羅馬尼亞在野黨。勸政府發兵攻保加利亞。該國已下動員令。門的內哥羅。亦將助希塞兩國。與保加利亞相抗。

同 三日

●塞國布告宣戰……塞爾維亞王。對於保加利亞。正式布告宣戰。

●保國要求停戰……保加利亞送最後通牒於塞爾維亞希臘兩國。要求於二十四點鐘內。停止戰鬥。維持和平。並請俄國出為干涉。

●塞希大敗保軍……保加利亞軍隊。用二百五十門大礮掩護。攻入號稱馬其頓鎮鎗之奧丘坡利高原。被塞軍擊退。保軍大敗。塞軍即乘勝逐之於杜列得窪河。殺傷保軍二千人。降服四千人。

●希臘軍亦大敗保軍於薩羅尼加。保軍退出幾爾吉守平原。

24555 ●英國承認比利時合併剛果……英國外交大臣葛雷。令駐比公使。正式承認比利時合併剛果。

●德意兩帝會見……德意志意大利兩國皇帝。會於幾爾港。議對最近巴爾幹戰爭。鞏固三國同盟。並連名致電奧帝。

同 四日

●普魯士陸相辭職……普魯士陸軍大臣海林幹將軍辭職。將軍在陸軍大臣任內。關於陸軍及增兵案之功頗巨。

●保塞下令停戰……俄政府接到保加利亞及塞爾維亞兩國正式通告。言已下令停止攻擊。

●南非罷業之大亂……南非洲蘭德地方罷業工人。大起擾亂。聚眾焚燒公園車站。並佔電局報館。旋被軍警擊散。礦山罷業之土人。已達二十萬人。

同 五日

●希塞兩軍大勝……塞軍敗保軍於柯差那。希軍敗保軍於幾爾吉守。兩地均為希塞占領。門的內哥羅及羅馬尼亞兩國。均下陸軍全部之動員命令。

同 六日

●日本威仁親王逝世……日本有栖川宮威仁親王。因病逝世。王為明治天皇之姪。於中日戰爭及日俄戰爭。均有大功。日皇命罷朝三日。並營國葬。

●南非暴動再發……南非罷業工人。又集眾於蘭德俱樂部前。大起騷擾。軍隊發礮擊死多人。始各逃逸。該地官吏。已布戒嚴令。並乞政府派軍鎮壓。

同 七日

24556 ●南非罷業終息……南非洲罷業暴動。經軍隊擊後。礦工大懼。南非聯邦總理大臣波泰。及財政大臣斯墨。與礦主及礦工協議。業已解決。

●巴爾幹戰況……塞爾維亞送斷絕國交之覺書於保加利亞。言明同盟條約即歸消滅。塞爾維亞希臘門的內哥維三國駐紮保加利亞之公使。均已撤回。

希臘軍隊占領蒂蘭。

保加利亞軍。在聖尼古拉斯附近。擊敗攻入保境之塞爾維亞軍。鹵獲大礮六門。

土耳其政府。召集現在賜假之將校。並送覺書於保加利亞。要求撤退馬爾馬拉湖之軍隊。否則土耳其將進兵攻逐。

奧地利擬調停巴爾幹戰爭。保加利亞及羅馬尼亞兩國。已答復承認。

●亞拉伯人襲擊意軍……意大利在的利波里開鑿道路之工兵。被亞拉伯人襲擊。死傷二百餘人。

●英下院通過愛爾蘭自治案……英國下院。將愛爾蘭自治案。通過第三讀會。

同日 八日

●普魯士新任陸軍大臣……普魯士任命法坎漢為陸軍大臣。繼海林幹之後。

●亞爾巴尼亞人與戰……亞爾巴尼亞人。與塞爾維亞守備兵開戰。

●英下院通過惠爾士國教廢止案……英國下院。通過惠爾士國教廢止案於第三讀會。

●羅馬尼亞擊匈牙利船……匈牙利汽船。在多瑙河運載保加利亞軍隊。被羅馬尼亞兵士射擊。

●塞軍攻取要地……保加利亞軍。在伊斯的布。為塞爾維亞軍戰敗。塞軍即占據其地。

同日 九日

●保加利亞承認土耳其之要求……保加利亞承認土耳其撤退馬爾馬拉沿岸軍隊之要求。約土耳其不得進攻。

●西班牙軍與摩洛哥接戰……西班牙軍隊。在愛克驕附近。與摩洛哥叛徒五千人大戰。

同日 十日

●羅保之決裂……羅馬尼亞最後通牒於保加利亞。並配置其軍隊於國境。

●保加利亞求和……保軍累被希塞兩軍戰敗。損失頗巨。近通牒列國。願與塞爾維亞議和。要求列國仲裁。

●希塞兩軍連絡……塞爾維亞軍。占領伊斯的布。與希臘軍連絡。圍攻保軍。兩國並謀并合在馬其頓爭執之地域。

同日 十一日

●羅馬尼亞布告宣戰……羅馬尼亞對於保加利亞正式布告宣戰。召還駐紮所非之公使。其軍隊已侵入保加利亞國境。

●和蘭新內閣成立……和蘭自由民主黨。組織新內閣。波史氏

受任爲內閣總理。

●俄國調停巴爾幹戰爭……俄國要求保加利亞塞爾維亞希臘門的內哥羅諸國。立即停戰。並派員赴聖彼得堡議和。

●土耳其之奮起……土耳其謀占領愛諾斯米提亞線以南之地域。現已進軍。

同 十一日

●羅馬尼亞占領保地……羅馬尼亞軍占領細利得利亞。保加利亞以羅馬尼亞當初主張中立。故並不與之反抗。

●愛爾蘭之騷動……愛爾蘭俾爾法斯得。本月令節時。統一派及國民派羣集。互用槍石爭鬪。後經警察驅散。受傷者甚衆。

●羅馬尼亞之宣言……羅馬尼亞通牒保加利亞。謂前曾照會該國。言明若戰爭勃發。羅馬尼亞當取自由行動。保加利亞並不答覆。且未經通告之先。攻擊塞爾維亞。故羅馬尼亞特進軍於保加利亞。并謂羅馬尼亞將參加於分割土耳其領土最後之協議。

同 十三日

●土耳其進軍……土耳其向亞得里亞那堡進軍。現已占領棲霞盧。此舉大抵已得塞爾維亞希臘之承認。

●土耳其與塞希兩國訂約……土耳其與塞爾維亞訂約。已經蓋印。並議與希臘訂約。

同 十四日

24557 ●保加利亞軍艦逃亡……保加利亞軍艦一艘。水雷艇六艘。因避羅馬尼亞之艦隊。逃入俄境。被俄國扣留。

●希塞之強硬……塞爾維亞及希臘。聲稱在戰場以外。不復與保加利亞交涉。

同 十五日

●保軍虐待奧意領事……奧地利意大利兩國駐薩羅尼加領事。在西來斯地方。被保加利亞兵掠奪。且侮辱兩國國旗。

●德國造船職工罷業……德國漢堡造船所職工同盟罷業。

●英國上院否決愛爾蘭自治案……英國上院。以愛爾蘭自治案。不可不順國民之意志。以三百二對六十四之多數否決。

●各國在墨西哥外交官之陳請……歐洲各國在墨西哥外交官。各送陳請書於本國政府。因墨西哥之革命。皆美國爲之援助。請政府照會美國。令速承認墨西哥現政府。否則墨西哥之亂。常由美國負其責任。

●希臘軍之勝利……希臘軍戰勝保軍占領西來斯。保軍退出該地時。縱火焚掠。又杜買拉亦爲希臘軍戰勝占據。

同 十六日

●保加利亞內閣辭職……保加利亞達的夫內閣。因俄國仲裁不成辭職。

●列國大使會議之決議……列國大使會議。對於巴爾幹問題。滿場一致。贊成英國外務大臣葛雷氏之干涉主義。關於亞爾巴尼亞應否戴王獨立及國境之問題。尙未決定。

●保加利亞對於土耳其進軍之抗議……保加利亞因土耳其向亞德里亞那堡進軍。通告列國。要求列國向土耳其政府抗議。並

24558 照會土耳其謂其違背倫敦。請即中止。

●希塞羅三國軍隊之聯合……希臘塞爾維亞羅馬尼亞三國之軍隊。互相聯合。謀進軍於保都所非。

同 十七日

●美國對日之答覆……美國國務卿海瀨陽氏。已送日本第二次關於加利福尼亞問題通牒之答復於日本大使。

同 十八日

●保加利亞新內閣成立……保加利亞新內閣成立。以拉度勞甫為總理大臣。蓋那提夫為外務大臣。柴波甫為陸軍大臣。拉氏為親奧派。恐不見悅於俄國。

同 十九日

●土耳其進軍中止……土耳其向亞德里亞那堡之進軍。現已中止。

●所非外交團對於羅馬尼亞之抗議……羅馬尼亞軍隊。日向保都所非前進。列國外交團。因保都危險。恐起擾亂。特向羅馬尼亞抗議。

●俄奧之親睦……俄奧兩國。為平和起見。互相接近。

●羅馬尼亞通告列國……羅馬尼亞正式通告列國。聲稱保加利亞必將細利得利亞割讓於羅馬尼亞。方能滿足。並謂因謀巴爾幹問題早日決定之故。不得不進軍於所非。

同 二十日

●奧帝忠告保王……奧地利皇帝致電保加利亞王。勸其承認羅馬尼亞提出之條件。

馬尼亞提出之條件。

●羅馬尼亞進軍中止……羅馬尼亞進攻所非之軍隊。中止前進。

●俄國對土之抗議……土耳其騎兵隊。已抵亞德里亞那堡之前面。俄國駐土大使。屢見土相。抗議土耳其侵入保國領土。

●法國下院通過三年兵役案

同 二十一日

●土耳其通告列國……土耳其通告列國。已占領西來斯及亞德里亞那堡。並要求定馬利太河為國境。

●墨西哥大總統負傷……墨西哥大總統為炸彈所傷。勢甚危殆。

●葡萄牙戒嚴……葡萄牙政府忽有炸彈發見。因下令戒嚴。但秩序尚安。

同 二十二日

●英國上院否決惠爾斯國教廢止案……英國上院。會議惠爾斯國教廢止案。以其不合輿論。遂以多數否決。

●塞爾維亞軍戰勝保軍。占其西北部俾羅括拉特的克市。

●保加利亞停戰……保加利亞政府。通告列國。業已停戰。並下軍隊復員之命令。

●墨西哥國內亂……墨西哥惠辣克士州都斯坦市。叛軍起事。美政府即派戰艦赴魯易若那。保護美人及外人。

同 二十三日

●德國要求開放他大尼里海峽……德國促烏爾彌亞政府。開放

他大尼里海峽。但俄國公言不贊成此說。

●巴爾幹平和之希望……羅馬尼亞王通告希臘塞爾維亞。勸其停戰。並致電保加利亞王。速訂和約。

同 二十四日

●俄國之反對土耳其……俄國黑海艦隊。在土耳其港灣。行示威運動。並在大使會議。提議對土耳其為強硬之處置。

●巴爾幹諸國和戰之趨向……希臘政府接到羅馬尼亞通告後。

贊成議和。塞爾維亞則拒絕停戰。羅馬尼亞王又電勸土耳其勿再前進。土軍仍越保加利亞國境。向非里波利進軍。

同 二十五日

●希塞不允停戰……羅馬尼亞勸希塞兩國停戰。兩國以停戰條約尚未締結。仍當繼續戰爭。

同 二十六日

●羅士進軍中止……羅馬尼亞據保加利亞之要求。前進之軍隊。在所非附近停止。土耳其首相。亦令軍隊占領至馬利太線為止。不再進軍於保國之領地。

●希臘海軍占領保港……希臘海軍。占領愛諾斯附近之提第亞格支港。該港保軍。均已撤退。

●巴爾幹議和專使出發……巴爾幹諸國。各派議和專員。赴羅馬尼亞首都加勒斯多。

同 二十七日

24559 ●希臘軍之北進……希臘軍襲擊保加利亞扼守克來斯那隘路之

軍隊。攻入後。即自該路北進。保軍遺礮三門。退守鳩馬尼亞。

同 二十八日

●美墨之交涉……美國政府。因墨西哥狙擊美國移民事務官。與墨西哥起嚴重之交涉。要求將行凶者執付軍法會議。

●希臘又拒絕停戰……巴爾幹交戰國將議和於加勒斯多。議先停戰三日。希臘不從。現仍繼續戰爭。

同 二十九日

●摩洛哥亂勢之猖獗……摩洛哥亂黨。圍攻得土安市。勢極猖獗。法班兩國。擬取聯合行動。以謀恢復秩序。

●巴爾幹開講和會議……巴爾幹諸國議和專使。本日在羅馬尼亞首都開非公式之講和會議。以羅馬尼亞總理大臣為議長。

●墨西哥承認美國之要求……美國之要求。墨政府已完全承認。

同 三十日

●亞爾巴尼亞問題解決……列國大使會議。議決亞爾巴尼亞問題。許其自立。其國境及愛琴海島嶼問題之議定書。亦已脫稿。

●保都之危迫……所非之鐵道。被敵軍斷絕。希臘軍陸續前進。●巴爾幹停戰之決議……巴爾幹講和會議。決議停戰五日。

同 三十一日

●西班牙駐摩軍之危急……西班牙軍隊。在摩洛哥得土安被圍。●英謝絕參加巴拿馬博覽會……英國政府對於巴拿馬萬國博覽會。謝絕參加。但未經說明理由。大抵為巴拿馬運河航費之故。